



Adresa: **Ul. Hamdije Čemerlića 39 a**  
71000 Sarajevo  
<http://www.voda.ba>

tel. +387 33 726 400;  
fax. +387 33 726 423;  
e – mail: [info@voda.ba](mailto:info@voda.ba).

Broj: **30-141-10/21**  
Datum: 14.4.2021. godine

Na osnovu članova 25, 70., 72. stav 3) alineja a) Zakona o javnim nabavkama ("Službeni glasnik BiH", broj 39/14) i preporuke Komisije za provođenje postupka javne nabavke usluga „Uređenje lijeve obale rijeke Spreče nizvodno od ušća Jale, općina Lukavac“, donosim

### **ODLUKU**

**o poništenju Odluke broj 30-141-4/21 od 24.03.2021. godine i izboru najpovoljnijeg ponuđača za javnu nabavku radova „Uređenje lijeve obale rijeke Spreče nizvodno od ušća Jale, općina Lukavac“**

**Obavještenje o nabavci br.: 1132-1-3-158-3-134/20"**

#### Član 1.

Poništava se Odluka o izboru najpovoljnijeg ponuđača za javnu nabavku radova „Uređenje lijeve obale rijeke Spreče nizvodno od ušća Jale, općina Lukavac“ broj: 30-141-4/21 od 24.03.2021. godine iz razloga što je najpovoljniji ponuđač DEN ALM COMPANY d.o.o. LUKAVAC propustio dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ.

#### Član 2.

**Kao najpovoljniji ponuđač za javnu nabavku radova „Uređenje lijeve obale rijeke Spreče nizvodno od ušća Jale, općina Lukavac“ bira se ponuđač „ROADING d.o.o. GRAČANICA, ul. Sprečanski put b.b., 75 320 Gračanica, registrovan kod Općinskog suda u Tuzli, MBS: 1-5211, JIB: 4209306750004, sve prema ponudi broj: 130/20 od 14.1.2021. godine, za ponuđenu cijenu od 132.804,74 KM bez PDV-a, odnosno 155.381,55 KM sa PDV-om.**

#### Član 3.

Za izvršenje ove Odluke zadužuje se Sektor za realizaciju projekata Agencije za vodno područje rijeke Save, Sarajevo.

#### Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2021. godinu, stavka Plana C.1.29. i F-Rezerva.

## Član 5.

Ova odluka će se objaviti na web-stranici [www.voda.ba](http://www.voda.ba), istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

## Član 6.

Ova Odluka stupa na snagu danom donošenja.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30-1381-2/20 od 15.12.2020. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 200.000,00 KM. Obavještenje o nabavci broj: 1132-1-3-158-3-134/20 je poslato na objavu i objavljeno na portalu javnih nabavki dana 21.01.2021. godine.

Sa web portala "e-Nabavke" [www.ejn.gov.ba](http://www.ejn.gov.ba) tendersku dokumentaciju su preuzeli sljedeći ponuđači:

1. BRODOMETALURGIJA D.O.O.
2. BETON-KOP
3. INTERART
4. BBS EUROPE
5. GRADNJA-1 TEŠANJ D.O.O
6. DEN ALM COMPANY D.O.O. LUKAVAC
7. "SENDO" D.O.O. SARAJEVO
8. GRIMIG D.O.O.
9. GRAMAT D.O.O
10. EKAPIJA DOO
11. DOO MARTIĆ INTER COPP
12. IZGRADNJA TOJAGA D.O.O. MOSTAR
13. DOO"HIH"ŽIVINICE
14. HARYSCO DOO
15. JATA GROUP DOO SREBRENİK
16. ROADİNG D.O.O.

Komisija za nabavku imenovana je Rješenjem broj: 30-1381-4/20 od 17.12.2020. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

Da je ukupan broj preuzimanja tenderske dokumentacije 16 (slovima: šesnaest)

Da je ukupan broj pristiglih ponuda 4 (slovima: četiri)

Da je ukupan broj blagovremeno zaprimljenih ponuda 4 (slovima: četiri)

Da nema neblagovremeno zaprimljenih ponuda

Da su ponude 4 (slovima: četiri) ponuđača prihvatljive.

Da nijedna ponuda nije ocijenjena kao neprihvatljiva.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Komisija smatra da su sve ponude prihvatljive Ugovorni organ je nakon pregleda i ocjene ponuda zakazao provođenje e-aukcije za 21.01.2021. godine u 11:00 sati.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene.

Rang lista prihvatljivih ponuda nakon provedene e-aukcije :

PONUĐAČ	Cijena nakon provedene e-aukcije KM (bez PDV-a)
GRAMAT d.o.o. GRAČANICA	39.000,00
DEN ALM COMPANY d.o.o. LUKAVAC	41.800,00
ROADING d.o.o. GRAČANICA	132.804,74
JATA GROUP d.o.o. Srebrenik	167.630,00

Shodno rezultatima pregleda i ocjene ponuda i rang listi prihvatljivih ponuda donesena je Odluka o izboru najpovoljnijeg ponuđača broj 30-141-2/21 od 10.2.2021. godine kojom je ponuđač GRAMAT d.o.o. GRAČANICA izabran kao najpovoljniji.

Međutim, najpovoljniji ponuđač GRAMAT d.o.o. GRAČANICA je propustio dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ. Naime, najpovoljniji ponuđač je bio obavezan dostaviti gore navedenu dokumentaciju u roku od 5 dana od dana prijema obavještenja o rezultatima postupka nabavke. S obzirom da je ponuđačima obavještenje o rezultatima postupka nabavke, zajedno sa Odlukom o izboru najpovoljnijeg ponuđača i Zapisnikom o pregedu i ocjeni ponuda dostavljeno 10.2.2021. godine, gore navedena dokumentacija je trebala biti dostavljena do 15.2.2021. godine. Najpovoljniji ponuđač GRAMAT d.o.o. GRAČANICA je navedenu dokumentaciju poslao 22.2.2021. godine, a ista je zaprimljena na protokol ugovornog organa 24.2.2021. godine. Pored navedenog, u zaprimljenoj dokumentaciji ponuđač GRAMAT d.o.o. GRAČANICA je propustio da dostavi Potvrdu Suda BiH, na osnovu člana 45. stav (2) tačka a) ZJN-a, koja je tražena tačkom 3.2 a) predmetne t.d. i Potvrdu/Uvjerjenje/Izvod poslovnih banaka Ponuđača da računi ponuđača u zadnjih 6 mjeseci računajući od dana objavljivanja obavještenja nisu blokirani, što je traženo tačkom 3.2c) predmetne t.d.

Obzirom da je ponuđač GRAMAT d.o.o. GRAČANICA propustio dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja

ponude ili zahtjeva za učešće, u roku koji je odredio ugovorni organ poništava je Odluka o izboru najpovoljnijeg ponuđača za javnu nabavku radova „Uređenje lijeve obale rijeke Spreče nizvodno od ušća Jale, općina Lukavac“ broj: 30-141-4/21 od 24.3.2021. godine, te se kao najpovoljniji ponuđač bira drugorangirani ponuđač „DEN ALM COMPANY“ d.o.o. LUKAVAC.

Međutim, najpovoljniji ponuđač DEN ALM COMPANY d.o.o. LUKAVAC je propustio dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ. Naime, najpovoljniji ponuđač je bio obavezan dostaviti gore navedenu dokumentaciju u roku od 5 dana od dana prijema obavještenja o rezultatima postupka nabavke. S obzirom da je ponuđačima obavještenje o rezultatima postupka nabavke, zajedno sa Odlukom o izboru najpovoljnijeg ponuđača i o pregedu i ocjeni ponuda dostavljeno 24.3.2021. godine, gore navedena dokumentacija je trebala biti dostavljena do 29.3.2021. godine. Najpovoljniji ponuđač DEN ALM COMPANY d.o.o. LUKAVAC nije dostavio dokumentaciju u gore navedenom roku.

**Obzirom da je ponuđač DEN ALM COMPANY d.o.o. LUKAVAC propustio dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ poništava se Odluka broj: 30-141-4/21 od 24.3.2021. godine, te se kao najpovoljniji ponuđač bira trećeplasirani ponuđač „ROADING“ d.o.o. GRAČANICA.**

Na osnovu navedenog odlučeno je kao u dispozitivu.

PRAVNA POUKA: Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama)



DIREKTOR

*Sejad Delić*  
Sejad Delić, dipl.inž.

Dostaviti:

- Sektor 50
- Sektor 30
- a/a